



Barnaamujka adabka aadaamaha

SOMALISKA

Barnaamujka adabka aadaamaha waa barnaamuj waxbarashada sare diyaarin u ah oo lagu qaadanaayo shahaado waxbarashada sare diyaarin u ah.

Barnaamujka adabka aadaamaha wuxuu ku habboonyahay qofkii rabo in uu ka shaqeeyo aadaminimo iyo cilmiga barashada mujtamaca. Waxbarashadu waxa ay aasaas u tahay waxbarasho dambe oo jaamacadda lagu baranayo maadooyin la xiriiira aadaamaha iyo cilmiga barashada mujtamaca.

LABO JIHO OO KALA DUWAN

Dhaqan

- Waxaad wax ka baran doontaa dhaqanka iyo cabiridda nooca fanniga leh, suugaanta, cilmiga faylosofiga iyo cilmi-nafsiga. waxaad baraneysaa oo aad ka wada xaajoneysaa tacbiirka dhaqanka oo kala duwan iyo xasuusta dhaqanka oo kala duwan marka laga eego dhinacyo kala duwan.

Luuqad

- waxaad si qoto dheer leh u dhex galeysaa aqoontaada luuqadaha iyo xiriirka u dhaxeeyo luuqadaha, dhaqanka iyo mujtamaca. Waxaad baran doontaa qiimaha luuqadda iyo sida aqoonta luuqadaha kala duwan ay isu xoojiyaan.

Waxaan baad barnaamujka ku baran doontaa

Waxaad dhigan doontaa dadka waagi hore iyo hadda sida ay yihiin taas oo micnaheedu tahay in aad in dheer ka baran doontid dhaqanka iyo dhaxalka dhaqanka, suugaanta, taariikhda iyo cilmiga faylosofiga. Luuqaddu aad bay muhiim tahay barnaamujkaan oo waxaad baran doontaa su'aalaha dhaqameedka ee caalamiga ah iyo xiriirka u dhaxeeyo luuqadaha iyo dhaqanka. Waxaad sidoo kale horumarin doontaa amaankaada luuqadnimada iyo wax cusub soo saariddaada iswiidhishka ah, ingiriisiga ah iyo luuqadaha kale aad dooratid in aad akhrisatid, si aad ugu xidhiidhtid, ugu fikirtid, u baratid, wax ugu baadhtid oo ugu turjumtid.

Habkaan buu barnaamujku u diyaarsanyahay

Barnaamujka adabka aadaamaha maadooyinka wadajirka u ah dugsiga sare waa: ingiriis, taariikh, ciyaaraha- iyo caafimaadka, xisaabta, cilmiga sayniska, diinta, cilmiga barashada mujtamaca, iswiidhishka ama iswiidhishka oo luuqad labad ah. Barnaamujyaasha oo diyaarinta u ah waxbarashada sare waxaad ku akhrisan doontaa koorsooyin badan oo cilmi dhegood ah oo aanan lagu akhrisan barnaamujyaasha xirfadeed.

Maadooyinka sifooyinka wadajirka loo leeyahay ee barnaamijka waa: cilmiga faylosofiga, luuqadaha casriga ah iyo luuqadaha aadaamaha.

Waxaad fursad u helaysaa in aad ku takhasustid oo aad cilmi dheeraad ah u yeelatid barnaamijka. Waxaa taas la dhahaa si qoto dheer ah barnaamijka loo galo. Kuwaasi waxay ahaan karaan maadooyin oo tusaale ahaan ah: juquraafi, luuqadihii qadiimka ahaa, xisaab, luuqadaha casriga ah, qalabkaiisgaadhsiinta, cilmiga rabbaynta iyo waxbaridda, cilmi-nafsiga iyo cilmi bulsheed. Iskoolka ka wareyso maadooyinka si qoto dheer ah loo sii galayo oo ay soo bandhigayaan.

Sidoo kale waxaad leedahay doorasho gaar ahaaneed oo aad dooran kartid waxa aad akhrisaneysid. Iskoolka weydii koorsooyinka ay heystaan.

Habka shaqada

Barnaamujka waxaad ku baran doontaa maareynta iyo si dhaleecayn badan u eegidda ilaha kala duwan. Waxaad dhigandoontaa habka bani aadamku u shaqeeyo dhinacyo badan marka laga eego, sidoo kale waxaad isdhigi doontaa oo aad eegi doontaa dadka sida ay u fikiraan iyo sida ay isu cabbiraan. Waxaad horumarindoontaa awoodaada wada xaajoodka, natiijo gaaridda iyo fafinta oo sheegidda sabab sida aad u gaartay. Waxaad ka fikiri doontaa su'aalaha anshaxa leh iyo filosoofiga leh.

waxaad horumarin doontaa awoodaada wada shaqeynta, aragtida fursadaha iyo wax bilaabidda. Sidoo kale waxaad baran doontaa si madaxbannaan u shaqeynta iyo mas'uula qaadidda.

Shaqada dugsiga sare

Dhamaadka barnaamujka fanniga leh waxaad sameyn doontaa shaqada dugsiga sare. Halkaas waxaad ka qorsheyneysaa, waad gudagaleysaa, sidoo kalena waad qiimeyneysaa shaqo weyn oo ka ambaqaadmeysa maadooyin aqoon oo muhiim ah oo ka mid ah barnaamujka.

Arrin in lagu fikiro u baahan

Haddii aad rabtid u qalmid khaas ah oo mid ka mid ah waxbarashada jaamacadda waa in aad qorsheysatid daraasooyinkaada. Waa ay ficantahay in lala hadlo macallinka xirfadaha- iyo waxbarashada, haddii aad rabtid in aad jaamacad aadiid.

Markasta waxaad xaqq u leedahay, doorashada gaarka ah dhexdeeda, in aad dooratid koorso sii dheer oo ciyaaraha- iyo caafimaadka ah iyo koorso fanni leh.